

ÁKVÖRÐUN FRAMKVÆMDASTJÓRNARINNAR

2016/EES/27/08

frá 6. júní 2014

um breytingu á ákvörðun 2012/481/ESB um vistfræðilegar viðmiðanir við veitingu umhverfismerkis ESB fyrir prentefni

(tilkynnt með númeri C(2014) 3590)

(2014/345/ESB) (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 66/2010 frá 25. nóvember 2009 um umhverfismerki ESB ⁽¹⁾, einkum 2. mgr. 8. gr.,

að höfðu samráði við umhverfismerkinganefnd Evrópusambandsins,

og að teknu tilliti til eftirfarandi:

- 1) Með ákvörðun framkvæmdastjórnarinnar 2012/481/ESB ⁽²⁾ falla undirstöðuefni úr pappa með þyngd yfir 400 g/m² utan gildissviðsins vegna þess að með þeirri ákvörðun er gerð sú krafa að prentefnisvörur séu eingöngu prentaðar á pappír með umhverfismerki ESB eins og fastsett er í ákvörðun framkvæmdastjórnarinnar 2011/333/ESB ⁽³⁾ eða ákvörðun framkvæmdastjórnarinnar 2012/448/ESB ⁽⁴⁾. Tiltæknir vöruflokkar sem falla undir gildissvið ákvörðunar 2012/481/ESB, s.s. blokkir, minnisbækur, stílabækur, minnisbækur með gormi og innbundin dagatöl, fela þó í sér notkun á undirstöðuefni úr pappa með þyngd yfir 400 g/m². Beiting viðmiðananna fyrir tiltekna vörur hefur því verið ógerleg.
- 2) Undir gildissvið ákvörðunar framkvæmdastjórnarinnar 2014/256/ESB ⁽⁵⁾ falla ritföng úr pappír sem eru hið minnsta 70%, miðað við þyngd, úr pappír, pappa, eða undirstöðuefni sem er að stofni til úr pappír og þar eru fastsettar kröfur vegna undirstöðuefna úr pappa, með pappírþyngd yfir 400 g/m².
- 3) Ráðstafanirnar, sem kveðið er á um í þessari ákvörðun, eru í samræmi við álit nefndarinnar sem komið var á fót með 16. gr. reglugerðar (EB) nr. 66/2010.
- 4) Því ætti að breyta ákvörðun 2012/481/ESB til samræmis við það.

SAMÞYKKT ÁKVÖRÐUN ÞESSA:

1. gr.

Ákvörðun 2012/481/ESB er breytt sem hér segir:

- 1) Í stað 1. mgr. 1. gr. komi eftirfarandi:

„1. Undir vöruflokkinn „prentefni“ falla allar prentefnisvörur sem eru hið minnsta 90%, miðað við þyngd, úr pappír, pappa eða undirstöðuefni sem er að stofni til úr pappír, að undanskildum bókum, skráum, bæklingum eða eyðublöðum sem skulu vera hið minnsta 80%, miðað við þyngd, úr pappír eða pappa eða undirstöðuefni sem er að stofni til úr pappír. Innskotssíður, kápur og allir prentefnishlutar endanlega prentefnisins skulu teljast hluti af prentefnisvörurni.“

⁽¹⁾ Stjtið. ESB L 27, 30.1.2010, bls. 1.

⁽²⁾ Ákvörðun framkvæmdastjórnarinnar 2012/481/ESB frá 16. ágúst 2012 um vistfræðilegar viðmiðanir við veitingu umhverfismerkis ESB fyrir prentefni (Stjtið. ESB L 223, 21.8.2012, bls. 55).

⁽³⁾ Ákvörðun framkvæmdastjórnarinnar 2011/333/ESB frá 7. júní 2011 um vistfræðilegar viðmiðanir við veitingu umhverfismerkis ESB fyrir afritunarpappír og grafískan pappír (Stjtið. ESB L 149, 8.6.2011, bls. 12).

⁽⁴⁾ Ákvörðun framkvæmdastjórnarinnar 2012/448/ESB frá 12. júlí 2012 um vistfræðilegar viðmiðanir við veitingu umhverfismerkis ESB fyrir dagblaða-pappír (Stjtið. ESB L 202, 28.7.2012, bls. 26).

⁽⁵⁾ Ákvörðun framkvæmdastjórnarinnar 2014/256/ESB frá 2. maí 2014 um vistfræðilegar viðmiðanir við veitingu umhverfismerkis ESB fyrir umbreyttar pappírsafurðir (Stjtið. ESB L 135, 8.5.2014, bls. 24).

2) Í stað c-liðar 3. mgr. 1. gr. komi eftirfarandi:

„c) möppur, umslög, lausblaðamöppur með hringjum og ritföng úr pappír.“

3) Í stað 1. liðar 2. gr. komi eftirfarandi:

„1) „Bækur“: prentefnisvörur sem eru innbundnar með garni og/eða lími með harðri eða mjúkri kápu, s.s. skólabækur, bækur – skáldrit og ekki skáldrit, skýrslur, handbækur og pappírskiljur. „Bækur“ nær ekki yfir dagblöð, bæklinga, tímarit, skrár sem eru útgefnar reglulega og ársskýrslur.“

4) Í stað 9. liðar 2. gr. komi eftirfarandi:

„9) „Prentefnisvara“: vara sem verður til við vinnslu prentefnis. Vinnslan felur í sér prentun á pappír. Auk prentunar getur vinnslan falið í sér frágang, t.d. brot (e. *folding*), stimplun og skurð eða samsetningu þar sem notað er lím, innbinding, innbinding með garni. Til prentefnisvara teljast dagblöð, auglýsingaefni og fréttabréf, tímarit, skrár, bækur, dreifibréf, bæklingar, plaköt, nafnspjöld og merkimiðar.“

5) Viðmiðun 3 í viðaukanum við ákvörðun 2012/481/ESB er breytt:

„Viðmiðun 3 — Endurvinnanleiki

Prentefnisvaran skal vera endurvinnanleg. Hreinsun prentsvertu af prentefninu skal vera möguleg og auðvelt skal vera að fjarlægja þá efnisþætti prentefnisvörunnar sem eru ekki úr pappír til að þeir hindri ekki endurvinnsluferlið.

- Styrktarefni til varnar gegn vætu má eingöngu nota ef sýna má fram á endurvinnanleika fullunna vörunnar.
- Límefni má eingöngu nota ef sýna má fram á að mögulegt sé að fjarlægja þau.
- Yfirborðslökk og samlímingarefni, þ.m.t. pólýeten og/eða pólýeten/pólýprópýlen, má eingöngu nota í kápur bóka, tímarita og skráa.
- Sýna skal fram á að hreinsun prentsvertu sé möguleg.

Mat og sannprófun: umsækjandinn skal leggja fram niðurstöður úr prófun á endurvinnanleika styrktarefnis til varnar gegn vætu og hvort mögulegt sé að fjarlægja límið. Viðmiðunarprófunaraðferðirnar eru PTS-aðferð PTS-RH 021/97 (fyrir styrktarefni til varnar gegn vætu), INGEDE Method 12 (til að prófa hvort mögulegt sé að fjarlægja óleysanlegt lím), eða jafngildar prófunaraðferðir. Sýna skal fram á að hreinsun prentsvertu sé möguleg með því að nota „Deinking Scorecard“(*) frá Evrópuráðinu um endurheimtan pappír (e. *European Recovered Paper Council*) eða sambærileg próf. Prófanir skulu framkvæmdar á þremur tegundum pappírs: óhúðuðum, húðuðum og pappír með límsterkju á yfirborðinu. Ef tegund prentbleks er eingöngu seld fyrir eina eða tvær tiltekna tegundir pappírs nægir að prófa pappirstegundina, eða tegundirnar, sem um er að ræða. Umsækjandinn skal leggja fram yfirlýsingu þess efnis að húðaðar og samlímdar prentefnisvörur séu í samræmi við ákvæði c-liðar 3. liðar. Ef auðvelt er að fjarlægja efnisþátt prentefnisvöru (t.d. plastkápu) er leyfilegt að framkvæma prófun á endurvinnanleika án þessa efnisþátta. Staðfesta skal hve auðvelt er að fjarlægja þá efnisþætti sem eru ekki úr pappír með yfirlýsingu frá pappírssöfnunarfyrirtækinu, endurvinnslufyrirtækinu eða jafngildri stofnun. Einnig má notast við prófunaraðferðir sem lögbær og óháður þriðji aðili sýnir fram á að gefi jafngildar niðurstöður.

(*) Assessment of Print Product Recyclability — Deinkability Score — User's Manual, www.paperrecovery.org, Publications.“

2. gr.

Ákvörðun þessari er beint til aðildarríkjanna.

Gjört í Brussel 6. júní 2014.

Fyrir hönd framkvæmdastjórnarinnar,

Janez POTOČNIK

framkvæmdastjóri.